

17.10.2022

Ohcejoga gieldda
PL 41
99981 Ohcejohka

CEALKÁMUŠ

Lappi lihttu
info@lapinliitto.fi

Ohcejoga gieldda cealkámuš Davvi-Lappi eanagoddelávva 2040 hápmosis

Čujuheapmi: Lappi lihttu lea bivdán gielddain cealkámušaid Davvi-Lappi eanagoddelávvi 2040. Lappi lihttu stivra máhcahii 17.5.2021 čoaikkimisttis Davvi-Lappi eanagoddeláva 2040 ođđasit válmmaštallama vuollái.

Ohcejoga gieldda evttoha iežas cealkámuššan čuovvovačča.

Fápmojođasfierpmádat

Ohcejoga gieldda ii guottit 400 kV stuorrabeaktofápmofierpmádaga oktavuođadárbbu (Z/yt) merkema eanagoddelávvi Norgga Buolbmágis Skállovári bokte máttás. Dála 220 kV elefápmolinijá bálvala guovllu maiddái boahttevuođas. Stuorrabeaktoelefápmolinijá huksemis dálá linjá báldii livččii gilddolaš váikkuhus Ohcejoga gieldda guovllus boazodollui ja luondoturisma ovddidanoidnosiidda.

Ohcejoga gieldda oaidnu vejolaš 400 kV fápmofierpmádaga geassimii Norggas Supmii Deanu rastá Ohcejoga bokte ii maiddái leat rievdan. Gieldda atná vejolaš fápmojođasfierpmádaga vahátlažžan boazodollui ja turisma ovddideapmái. Deanuleahkái dahje dan duoddariidda ii oaččo hukset fápmojohtasiid. Deanuleahki lea meroštallon riikkaviidosáččat mávssolaš duovddaguovlun (Vnp 18.11.2021). Lassin guvlui lea vuodđuduvvon duovddadikšunguovlu áidna guovlun sámiid ruovttuguovllus (YM 1.6.2022).

Ruvkket, bieggafápmu, Jieknameararuovdegeaidnu

Ohcejoga gieldda ii velge hálit guovlosis ruvkedoaimma dan dagahan mearkkašahtti vahátlaš váikkuhusaid geažil lundui, boazodollui ja turismii. Deanu čázádatguovlu oalgejogaiguin lea erenomáš rašes guovlu čázádatguovlaleami ja luondduloossanáliid máhccama perspektiivvas.



Gieldda guvlui ii leat maiddá realisttalaš plánet bieggafápmorusttegiid viiddis luonddusuodjalanguovlluid ja boazodoalu geažil.

Jos Jieknameararuovdegeaidnolinnjá Roavvenjárggas Girkonjárgii boadášii ođđasit árvvoštallama vuollái, Ohcejoga gieldda oaidnu ruovdegeaidnoprojektii lea ain gilddolaš dan mearkkašahtti vahátlaš váikkuhusaid geažil. Ruovdegeaidnu ii leat dahkkon čielggademiid ja golloávkeárvvoštallamiid vuodul gánnáhahtti ja dat dagahivččii mearkkašahtti vahátlaš váikkuhusaid boazodollui, lundui, sámekultuvrii ja turismii ("Suomen ja Norjan välisen Jäämerenradan selvitystyöryhmän loppuraportti" LVM:n julkaisu ja 2019:2). Ealáhuseallima ja maiddá fuolahussihkarvuoda perspektiivvas čielgasit lunddolut molssaeaktu lea joatkit ruovdegeaidnooktavuoda ovddideami Ruoŧa bokte Norgga Narvihkkii.

Johtolaga fierpmádagat ja joavkojohtolat

Ohcejoga gieldda doarju joavkojohtolaga ovddidanjođáhaga merkema eanagoddelávvi Roavvenjárggas Soađegili, Avvila ja Anára bokte Ohcejoga girkosiidii, vai guovlluidgeavaheapmi meroštallo dakkárin ahte dat doarju joavkojohtolaga doaimavejolašvuodaid. Lea dehálaš buoridit joavkojohtolaga olahttivuoda sihke várret doarvái guovlluid lonuhanjohtolahkii ja parkeremii. Joavkojohtolatoktavuodaid ovddideapmi lea guovddázis, go nannet guovllu eallinfámu.

Guovllu geaidnoinfra ortnegisdoallan lea hástaleaddji, go molssaevttolaš geinnodagat váilot. Geahppa johtolaga jođáhagaid lea dárbu hukset erenomážit Ohcejoga girkosiidu guovllus Njuorggáma guvlui sihke Gáregasnjárgga guvlui. Ná sáhtá buoridit johtolatdorvvolašvuoda ja doarjut turismma ovddideami.

Turisma, olgolihkadan- ja mohtorgielkágeinnodagat

Ohcejohka ovddida guovllustis suvdilis turismma, mii vuodđuduvvá luondduárvvuide ja báikkálaš kultuvrii. Turismma ovddideamis deattuhuvvet lagašluonddu geinnodagaid lasiheapmi, Guovlogeaidnu 970 ovddideapmi sihkelastingeinnodahkan sihke prográmmabálvalusaide vuodđuduvvi turismma lasiheapmi. Gieldda guvlui eai hálit huskybeanagárdiid eage -safariid.

Turismma ovddidanavádaga ii leat dárbu viiddidit guhkás siseatnamii. Báišduoddara buohta avádaga rádjá johtá meahcceguovllu rájá mielde.

Ohcejoga gieldda guovllus lea deaddu lasihit olgolihkadangeinnodagaid ja mohtorgielkámáđijaid. Váldodeaddu geinnodagaid ja vánddardanvejolašvuodaid ovddideamis lea giliguovddážiid lahkosis ng. lagašgeinnodagain turismma geasuhusguovlluide. Ođđa geinnodatmolssaeavttuin álggahuvvojit ságastallamat meahcceráđđehusain, bálgošiguin, turismafitnodagaiguin ja gielddaolbmuiguin čakčat 2022.

Turismma ovddideami perspektiivvas lea dehálaš, ahte gieldda buot golbma giliguovddáža: Ohcejoga girkosiidu, Gáregasnjárga ja Njuorggán leat merkejuvvon hápmosa mielásaččat turismabálvalusbáikin (RM), dasgo buot giliguovddážat devdet merkemii ásahuvvon ulbmiliid. Turismma geasuhusguovllun merkejuvvon guovlluin berre fuolahit ealáhuseid oktiiveiveheamis ja gullat dasa laktáseaddji oassebeliid eanageavaheami plánemis mearridettiin.



Elektrihkalaš áibmojohtalus

Ohcejoga gieldda hálida buktit ovdan dárbbu ráhkkanit maiddá Davvi-Lappis girdinjohtolaga elektrifiserenovdánupmái. Elektrihkalaš girdin šaddá vejolažžan oanehis vádjit 500 km mátkkiide árvvoštallamiid mielde vel dán jahkelogi áigge, manimuštá 10 jagi siste. Ohcejoga olahttuovuoda perspektiivvas gieldda hálida oassálastit čielggadusaide, main kártejuvvo gieldda guovllus potentiála sajádat smávva áibmojohtolatgieddá, mii dagašii vejolažžan elektrihkalaš girdima.

Ohcejogas 17.10.2022

Taina Pieski
Gielddahoavda